



**Broj:** 08-06/2-14-2-4415-5/15

**Dana:** 23.09.2015.godine

Na osnovu člana 22. Zakona o unutrašnjim poslovima Zeničko-dobojskog kantona – Prečišćeni tekst ("Sl. novine Ze-Do kantona", broj 15/04, 11/05 i 09/09), a u vezi sa članom 69. stav (2) tačka d), člana 88., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke ("Sl. glasnik BiH", broj: 103/14), na Preporuku Komisije za javnu nabavku iz Zapisnika o ocjeni ponuda broj: 08-06/2-14-2-4415-4/15 od 22.09.2015. godine, u postupku javne nabavke - "Sukcesivna nabavka 125 tona uglja (mokra separisani mrki ugalj, asortiman orah, donje toplotne vrijednosti od 17000 do 19500 kJ/kg), po lokacijama kako slijedi: PS Vareš 40 tona; PU Olovo 30 tona; PS Maglaj 35 tona; PS Doboj-Jug 20 tona", ministar Ministarstva unutrašnjih poslova Zeničko-dobojskog kantona, d o n o s i:

## **O D L U K U**

### **o poništenju postupka javne nabavke**

#### **Član 1.**

Poništava se postupak javne nabavke "Sukcesivna nabavka 125 tona uglja (mokra separisani mrki ugalj, asortiman orah, donje toplotne vrijednosti od 17000 do 19500 kJ/kg), po lokacijama kako slijedi: PS Vareš 40 tona; PU Olovo 30 tona; PS Maglaj 35 tona; PS Doboj-Jug 20 tona", iz razloga što nijedna od primljenih ponuda nije prihvatljiva – član 69. stav (2) tačka d) Zakona o javnim nabavkama.

#### **Član 2.**

Za izvršenje ove odluke zadužuje se i ovlašćuje Sektor za podršku.

#### **Član 3.**

Ova odluka objavit će se na web-stranici ugovornog organa ([www.mupzdk.gov.ba](http://www.mupzdk.gov.ba)) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

#### **Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) Zakona o javnim nabavkama.

## **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 08-06/2-14-2-4415/15 od 28.08.2015.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 14.000,00 KM.

Dodatno obavještenje o nabavci broj: 488-7-1-51-3-31/15 objavljeno je na portalu javnih nabavki dana 01.09.2015.godine u 12,09 h.

Komisija za javnu nabavku imenovana je Rješenjem broj: 08-06/2-14-2-4327-3, 4370-2, 4416-2, 4415-2/15 od 02.09.2015.godine.

Komisija za javnu nabavku dostavila je dana 22.09.2015.godine Zapisnik o otvaranju ponuda broj: 08-06/2-14-2-4415-3/15 od 22.09.2015. godine i Zapisnik o ocjeni ponuda broj: 08-06/2-14-2-4415-4/15 od 22.09.2015. godine, kojim je dala preporuku o poništenju postupka javne nabavke – "Sukcesivna nabavka 125 tona uglja (mokra separisani mrki ugalj, asortiman orah, donje toplotne vrijednosti od 17000 do 19500 kJ/kg), po lokacijama kako slijedi: PS Vareš 40 tona; PU Olovo 30 tona; PS Maglaj 35 tona; PS Doboj-Jug 20 tona".

U postupku po dostavljanju pomenute preporuke Komisije, utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da su se do momenta otvaranja ponuda 2 (dva) ponuđača prijavila na predmetno javno nadmetanje i to ponuđači "ERAX – INVEST" d.o.o.Banovići i NRMU d.o.o. MILJEVINA.
- da su obje ponude blagovremeno zaprimljene,
- da ponude oba ponuđača "ERAX – INVEST" d.o.o.Banovići i NRMU d.o.o MILJEVINA nisu prihvatljive iz sljedećih razloga:

1. "ERAX – INVEST" d.o.o.Banovići, iz razloga što isti nije dostavio Izjavu o garantnom roku za ponuđenu robu, a koju je bio obavezan dostaviti u skladu sa tačkom 10a tenderske dokumentacije broj: 08-06/2-14-2-4415/15.

2. NRMU d.o.o MILJEVINA, iz razloga što isti nije dostavio Izjavu o podugovaranju (Aneks V - koja je sastavni dio tenderske dokumentacije), a koju je bio obavezan dostaviti u skladu sa tačkom 14. pod e) i tačkom 33. tenderske dokumentacije broj: 08-06/2-14-2-4415/15.

Nadalje, u postupku ocjene provedenog postupka, ovo Ministarstvo nije našlo razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da nijedna od primljenih ponuda nije prihvatljiva, čime su se stekli zakonski uslovi za poništavanje postupka javne nabavke.

Iz navedenih razloga, primjenom člana 69. stav (2) tačka tačka d), člana 88., člana 70. st. (1), (4) i (6) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke ("Sl. glasnik BiH", broj: 103/14), odlučeno je kao u članu 1. ove odluke.

#### **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom.

Žalba se podnosi u najmanje 3 (tri) primjerka.

#### **DOSTAVLJENO:**

1. Ponuđači, 1x.-
2. Sektor za podršku, 2x.-
3. Spis, 1x.-

**MINISTAR**

**Hajrudin Žilić**